

元俞宗本種樹書

元俞宗本種樹書

元俞氏宗

奉種樹書

光緒丁酉冬至
漸西村
舍開瑯

安徽撫憲鄧 札

照得周禮任民九職。園圃虞衡。並於三農。廣其養生之道。厥後農書迭作。如後魏賈思勰齊民要術。元司農司農桑輯要。言藝穀兼及種樹。無曠土自少遊民。皖省居腹地之中。沃壤千里。乃自兵燹後三十餘年。地廣而荒穢仍多。民貧而饑寒生盜。上虧正賦。下感生機。揆厥由來。皆因民情游惰。官意因循。勸相之事不行。而樹藝之法不講也。近歲奉

詔墾荒。迭經轉飭遵辦。而汙萊不治。民氣蕭條如前。此非爲

事而無功。實皆奉行之不力也。自通商以來。利源外溢。民生曰蹙。失業日多。然則未盡之田功。固有之地力。可不亟爲之計哉。本部院顧此時艱軫。懷民瘼。知富

國以足民爲本。開源在節流之先。自古理財大經。未有不以生之者。衆爲亟亟也。是惟盡因利而利之心。守民勤不匱之訓。所謂墾荒者。豈必合高原下隰。而盡樹藝五穀哉。貴能相度土宜。講求各項植物。衆材成而工資造作。物產盛而商賈懋遷。致富之道。莫切於此。泰西各國。廣植樹林。民之嗇者豐。莠者良。地之瘠者肥。荒者熟。舉

國共享大利。而其化學之士。又謂樹之本能培土脈。爛沙石。蟠根入地。磽确可變膏腴。樹之陰能生潤澤。吸水氣。眾木成林。旱潦咸資補救。且長林蔚秀。收濁化清。有益人身。其理確然可信也。牧令與民最近。勸農職有專司。應各督率紳耆。辨明土性。宜於五穀田畝。固當墾闢力耕。此外則分栽樹木。如茶桑松竹。桐梓漆柏。樟櫻杉柳等類。次及麻棉蔗靛。暨一切果實瓜菓藥草各物。凡童山曠野。隙地高岡。屋角塍間。隄邊岸側。隨地所宜。聽民自擇。業戶或人工不足。則典地而與人自栽。官荒及

無主之區。則減租而任人領種。自接札之日。予限兩個月。由該州縣認真查勘。切實規畫。將遵辦大概情形稟覆察核。認定可栽何項。能植若干。無論城鄉。一律選購各項秧子。講求種法。依時徧栽。農桑輯要一書。福前部院曾經通發。本部院另發農學報。冊內多新法。皆堪互證參稽。而較之播種稻田。均屬本輕力省。近者一年獲利。遠者數歲成材。務在迎機善導。逐漸擴充。行之十年。地無餘利。民生皆裕。自無逋糧土物日饒。可敵洋產。此本部院爲民興利之要計。所望賢有司相與有成者也。

官能推誠勸導。民必合力奮興。所種各樹。每屬以三十萬株爲率。全在該州縣不憚煩瑣。實力奉行。董戒兼施。振興眾志。俟舉報種植數目。半年之後。本部院當委員覆查。以樹之多寡爲勸懲。以事之虛實定功過。果能踴躍從事。自應據實

奏明。擇尤請獎。以示鼓勵。至旣種以後。應禁毀傷。擅伐一株。責種十株。以資保護。而暢生機。除通飭各州縣外。合就行知。

[illegible]

元俞宗本種樹書敘

易氣述下生善察氣候者常眎其消長詘信之數以制動靜修養之宜五日而成一候其端甚微三五而成一氣其象滋著氣之靈靈根柢潛而未見者爲本木下亦曰本苟得其本則生勝之分數可預知而攝衛之和理乃日濟也董子繁露言陰陽之氣澹澹常漸人者若水之常漸魚也特水可見氣不可見耳人游是澹澹之中殺天地之化天有雨和以成二中生於仲夏成於仲秋是也太西農家種植醫家攝生爲炭養氣之說乃胚胎

於此萬物盜天地之氣以生。故曰天地大果。歲元氣毓
艸木。人得艸木之滋以養。故人家拓援園多種樹。則艸
木得吸人之炭氣。人得吸艸木之生氣。而交相養。鴻範
五行家言。木氣上爲雨。故種樹又可以挾燠。是燕代土
全山童而常苦旱。嶺海艸櫛木翳而易致雨。此其驗矣。
郭橐它之法。亦度物性。辨土宜。相天時。乘生氣而用之
耳。豈有他異術哉。張廬子校元俞氏書。精於天機。暢於
物理。農九家百一十四篇。今亡佚多矣。得此一鱗片甲。
猶可持以順百昌之機。慨芸芸之生乎。且物各有性矣。

枯之則闕其天倪而不得製造之用。彼蠶沙可以蓄桂
貓瘞可以引竹。堅榔以鹽鑽。榕出火。柘不採。經年則毒
蠶。梓爲鯨行海則召蜃。棉北勒而南鬆。櫟宵炕而晝聶。
物旣爾矣。人亦宜然。夫順物之自然者。乃能官陰陽以
遂羣生。物枯其性則其生不遂。人枯其性則士不樂爲
用。吾於種樹得官人術焉。爰校刊以裨世之治植物學
者。光緒丙申冬至。漸西村人湯書。

種樹書

郭橐駝乃託名。見說郭。本書實出俞氏陶九成易以新名。今依各家種植之書所引改正。

元俞宗本著

木

凡木皆有雌雄。雄者多不實。可鑿作方寸穴。取雌本填之。乃實。凡木擣麻餅雜糞灰壅之。則枝葉茂。

冬青樹彫瘁。以猪糞壅之。則茂。一說猪溺灌之。

凡木早晚以水沃其上。以唧筒唧水其上。

今川粵中銅水槍較便。

移樹木用穀調泥漿水。於根下日沃之。樹無有不活者。

插杉枝。用驚蟄前後五日。斬新枝。鋤開根入枝下泥杵。

緊視天陰則插。插了遇雨十分。無雨卽有分數。

草木羊食者不長。

栽松時。去松中大根。唯留四傍鬚根。則無不偃蓋。

一年之計。種之以竹。十年之計。種之以木。

凡移樹。不要傷根鬚。須闊塚。不可去土。恐傷根。諺云。移樹無時。莫教樹知。

松必用春後社前帶土栽培。百株百活。舍此時決無生理也。

春分後勿種松。秋分後方宜種。不獨松爲然。春秋二字疑互誤。

種松法大概與竹同。只要根實不令動搖。然活今移樹者以小牌記取南枝。不若先鑿窟沃水澆泥方栽。築令實不可踏。仍多以木扶之。恐風搖動。其顛則根搖。雖尺許之木亦不活。根不搖雖大可活。更莖上無使枝葉繁則不招風。

種一切樹。大枝向南栽亦向南。

凡樹要移。當三年一樹得掘不枯。然未可一概論。若以桂爲丁。在下釘則枯。在上磴則茂。

順插爲柳。倒插爲楊。